



Sofia Giesler  
Inatsisartut ilaasortaq  
Inuit Ataqtigiit  
-/Maani

**§ 37-mut apeqqummut nr. 215, 2020-mut akissut.**

Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqut uanga suliassaqarfinit akisassanngorlugu innersuunneqarpoq.

§ 37-mut apeqqutinut akissutit:

**1. Naalakkersuisut juni 2020 nalunaarput pisanik nalunaaruteqartarneq elektroniskiusoq pillugu nakkutiginninneq pillugu nalunaarut tusarniuussutigineqarpat atortussanngortinneqassasoq naatsorsuutigalugu oktober 2020.**

**- Elektroniskiusumik nalunaartarneq atuutsinneqalereerpa?**

Naamik, qarasaasiakkut umiarsuup allattaavii atuutilernissaannut nakkutilliinermut nalunaarut nutaaq piumasaqaataasoq tusarniaassutigineqareerpoq, sulili akuersissutigineqarnani, taamaattumillu qarasaasiakkut umiarsuup allattaavii atortussanngortinneqarnatik.

**2. Taamaassimangippat; suna tamatumunnga patsisaava?**

2020-mi ukiakkut tusarniaanermi akissutit inuussutissarsiortunillu oqaloqatigiilluni ataatsimeeqatigiinnerit marluk aallaavigalugit akissutit ilanngunneqarput, siunnersuummillu iluarsisamik suliaqartoqarluni. Naatsorsuutigaara nakkutilliinermut nalunaarutissatut siunnersuut qanoq ingerlateqqinneqarnissaa pillugu Naalakkersuisut eqqartorumaaraat.

**3. Nalunaartarneq elektroniskiusoq suli atulernerqarsimangippat tamanna qaqugu pissanersoq Naalakkersuisut naatsorsuutigaat?**

Apeqqummut 2-mut akissut innersuussutigineqarpoq.

**4. Elektroniskimik nalunaarsuinerup inerisarnerani atuuttussanngortinniarneralu atatillugu maannamut aningaasartuutit qanoq amerlatigippat?**

Aaqqissuussaq 1.538.000 koruuninik akeqarpoq, ukiumullu ikiorserneqarnermut aserfallatsaaliuinerinermullu pisiarinerata akiata 25 procentianik annertutigisumik isumaqatigiissuteqarpoq. Saniatigut Kalaallit Nunaanni inatsisinut tulluarsaanermut,

12-01-2021  
Sags nr.  
Dok. nr. 12452402

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

ikkunneqarneranut, paasissutissanik katersuivimmut pioreersumut ilanngutsinneranut, sulisunik ilinniartitaanermut il.il. KANUAANA 450.000 koruuninik ataasiaannartumik akiliilluni pisivoq. Akit najoqqutaralugit aaqiinerit ilanngullugit 2021-mut akuersissut 441.766 koruuniuvoq, taakkua saniatigut inuttat allattorsimaffiisa suliarineqartarneri, aamma attaveqatigiinnermut (Norgemut EU-mullu) immikkut aaqqissuussamut ikkullugit ilanngunneqartut katillugit 312.266 koruunit. Ilangullugu ataatsimiinnernut il.il. ingerlaavartunik aningaasartuuteqartoqarpoq. Nunat tamat akornanni assigiiaarinnermut atuutilersinneqartumut tunngatillugu naatsorsuutigineqarpoq siunissami attaveqaat ataasiinnaq ingerlanneqassasoq.

Ilangullugu paasissutigineqarsinnaavoq, qarasaasiakkut umiarsuup allattaavii aalisartunut akeqanngitsumik atugassanngortinneqartoq 2020-mi ukiakkut angallatinut arfineq-marlunnt misileraataasumik ingerlanneqarmat, inuussutissarsiortullu oqaloqatigalugit qarasaasiakkut umiarsuup allattaaviinik aalisariutini suliaqarnerup kukkusumillu nalunaaruteqarsinnaanerup annikillisarmissaat siunertaralugu atuinerup piuminarsagaanera pitsanngorsarneqarluni.

Inussiarnersumik Inuulluaqqusillunga

Jens Immanuelson

Aalisarnermut Piniarnermut Nunalerinermullu Naalakkersuisoq